

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.01.2019թ. թիվ 1908994525 և 21.01.2019թ. թիվ 1909011439 որոշումներն անփոփոխ, իսկ վարչական բողոքն առանց բավարարման թողնելու մասին

<<12>> 02 2019թ. 17-13 8872-19/17-13 624

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վրէժ Սարգիսի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Արգիշտի փողոցի 17 շենքի 33 բնակարանի բնակիչ Վրէժ Սարգիսը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 16.01.2019թ. թիվ 1908994525 և 21.01.2019թ. թիվ 1909011439 որոշումները՝ նշելով, որ իրավախախտումը կատարել է կայանատեղերի ազատ չլինելու հետևանքով:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին 16.01.2019թ. թիվ 1908994525 և 21.01.2019թ. թիվ 1909011439 որոշումներն օրինական են և իրավաչափ, իսկ դիմումատուի փաստարկը դրանք անվավեր ճանաչելու հիմք չի կարող հանդիսանալ հետևյալ պատճառաբանությամբ.

«Կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է **երթևեկելի մասի եզրին զուգահեռ մեկ շարքով**՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

16.01.2019թ. թիվ 1908994525 և 21.01.2019թ. թիվ 1909011439 որոշումներով ամրագրված տեսանյութերի տևողությունները համապատասխանաբար 82 և 80 վայրկյան են, որոնք փաստում են, որ դիմումատուին պատկանող տրանսպորտային միջոցը տեղակայված է երթևեկելի մասի երկրորդ շարքում:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է **միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը**, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, հետևաբար արարքը նվազ նշանակություն ունեցող չի կարող գնահատվել:

Ինչ վերաբերվում է դիմումատուի կողմից՝ **Խարմար Կայանատեղերի**, կարմիր գծանձումների և ճանապարհների փոսերի **վերաբերյալ բարձրացված** հարցերին, ապա վերջինիս առաջարկվում է **դիմել Երևան քաղաքի քաղաքապետարան**:

Այսպիսով դիմումատուի **արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի հատկանիշները**, ուստի նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և **ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով**

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.01.2019թ. թիվ 1908994525 և 21.01.2019թ. թիվ 1909011439 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վրէժ Սարգսիսին:



Ե. Կարապետյան

Կատարող Կ.Սուքիասյան